

SELANGOR

ENAKMEN No. 1 tahun 1999

BETA PERKENANKAN,

TENGGU IDRIS SHAH IBNI SULTAN  
SALAHUDDIN ABDUL AZIZ SHAH AL-HAJ,  
*Pemangku Raja Selangor*

(MOHOR KERAJAAN)

12 Mei 1999

Suatu Enakmen untuk meminda Enakmen Pembekalan  
Air 1997.

[ \* ]

MAKA INILAH DIPERBUAT UNDANG-UNDANG  
oleh Badan Perundangan Negeri Selangor seperti berikut:

1. (1) Enakmen ini bolehlah dinamakan Enakmen  
Pembekalan Air (Pindaan) 1999.

Tajuk  
ringkas dan  
berkuatkuasa.  
En. 1/97.

(2) Enakmen ini hendaklah mula berkuat kuasa pada  
tarikh yang ditetapkan oleh Pihak Berkuasa Negeri melalui  
pemberitahuan dalam *Warta*.

2. Enakmen Pembekalan Air 1997, yang disebut  
"Enakmen ibu" dalam Enakmen ini, adalah dipinda dalam  
seksyen 2—

Pindaan  
seksyen 2.

(a) dengan memasukkan selepas takrif "ditentukan",  
takrif-takrif yang berikut:

" "hak" ertinya segala hak, kuasa,  
keistimewaan dan kekebalan, sama ada  
sebenar, kontingen atau prospektif;";

“ “pegawai perkhidmatan bekalan air” ertinya mana-mana orang yang diambil bekerja, sama ada secara tetap atau sementara, oleh—

- (a) Kerajaan Negeri berhubungan dengan perkhidmatan bekalan air; atau
- (b) mana-mana orang yang dilesenkan di bawah Enakmen ini atas perkara-perkara yang berhubungan dengan bekalan dan pengagihan air;”;
- (b) dengan memasukkan, selepas takrif “kerosakan”, takrif yang berikut:
- “ “liabiliti” ertinya liabiliti, hutang, tanggungan, kewajipan dan obligasi daripada tiap-tiap perihalan (sama ada pada masa sekarang atau pada masa hadapan, sebenar atau kontingen, dan sama ada dibayar atau hendak dipatuhi atau dilaksanakan di Malaysia atau di tempat lain);”;
- (c) dengan memasukkan selepas takrif “ditentukan”, takrif yang berikut:
- “ “harta” termasuklah segala harta sama ada alih atau tak alih, dan segala estet, kepentingan, isemen dan hak, sama ada di sisi ekuiti atau undang-undang, dalam, pada atau daripada harta, segala kontrak, hak dalam tindakan, wang dan nama baik;”;
- (d) dengan memasukkan selepas takrif “sungai”, takrif-takrif yang berikut:
- “ “terletakhak”, berhubungan dengan harta termasuklah hak-hak terhadap harta pada masa hadapan atau kontingen dan hak perkembalian dan penerimaan baki;”;
- “ “tarikh perletakhakan” ertinya tarikh di mana hak-hak harta dan liabiliti yang berhubungan dengan perkhidmatan pembekalan air dipindah atau diletakhakan kepada Pemegang Lesen;”.

3. Enakmen ibu adalah dipinda dengan memasukkan Seksyen baru selepas seksyen 5, seksyen-seksyen 5A dan 5B yang berikut: 5A dan 5B.

“Perjanjian yang sedia ada. 5A. Tertakluk kepada terma-terma dan syarat-syarat yang telah dipersetujui di antara Kerajaan Negeri dan Pemegang Lesen, kesemua perjanjian dan pengaturan kerja di antara Kerajaan Negeri dengan pengguna bagi perkhidmatan bekalan air dan yang wujud sejurus sebelum tarikh perletakhakan hendaklah:

- (a) terus berkuat kuasa dan berkesan sepenuhnya pada atau selepas tarikh tersebut dan hendaklah terus dikuatkuasakan oleh atau terhadap Pemegang Lesen; dan
- (b) dikawal, pada atau selepas tarikh perletakhakan, oleh terma-terma dan syarat-syarat tertentu sebagaimana yang boleh ditetapkan oleh Pemegang Lesen dengan kelulusan Kerajaan Negeri dan disiarkan dalam suatu cara yang boleh memberi publisiti yang mencukupi mengenainya.”

“Pemindahan harta bagi maksud perkhidmatan bekalan air. 5B. (1) Selepas Kerajaan Negeri dan Pemegang Lesen telah bersetuju secara bersama tentang pemindahan apa-apa hak dan liabiliti harta alih atau tak alih yang terletak pada pihak berkuasa bekalan atau Kerajaan Negeri untuk tujuan sistem bekalan air dan perkhidmatan bekalan air, Kerajaan Negeri boleh, melalui perintah yang disiarkan dalam *Warta*, menetapkan suatu tarikh dan pada tarikh itu hak dan liabiliti harta tak alih hendaklah dipindahkan dan terletak pada Pemegang Lesen menurut terma-terma dan syarat-syarat yang dipersetujui oleh pihak-pihak yang berkenaan.

(2) Tiap-tiap hak dalam tindakan yang terletak pada Kerajaan Negeri di bawah seksyen ini boleh dituntut melalui guaman, didapatkan atau dikuatkuasakan oleh Pemegang Lesen dan tidaklah perlu bagi Pemegang Lesen memberikan notis kepada orang yang terikat oleh hak dalam tindakan itu tentang perletakhakan yang dilaksanakan melalui seksyen ini.”.

Pindaan  
seksyen 9.

4. Seksyen 9 Enakmen ibu adalah dipinda dalam perenggan (a), (b) dan (c) dengan memasukkan selepas perkataan “yang diberikuasa olehnya” perkataan-perkataan “atau mana-mana pekerja, agen atau kontraktor Pemegang Lesen”, masing-masingnya.

Seksyen  
baru 11A.

5. Enakmen ibu adalah dipinda dengan memasukkan selepas seksyen 11 seksyen yang berikut:

“Tanah  
untuk  
perkhid-  
matan  
bekalan  
air.

11A. Jika apa-apa harta diperlukan bagi tujuan sistem pembekalan air dan perkhidmatan pembekalan air di bawah Enakmen ini, Kerajaan Negeri hendaklah—

- (a) dalam hal tanah Kerajaan Negeri, memberi kepada Pemegang Lesen hak untuk mengguna dan menduduki tanah tersebut;
- (b) dalam hal tanah persendirian, mengambil alih tanah tersebut mengikut mana-mana undang-undang bertulis yang berhubungan dengan pengambilan tanah bagi maksud awam; dan
- (c) dalam hal tanah Kerajaan Persekutuan, membantu Pemegang Lesen untuk memohon kepada pihak berkuasa

Persekutuan yang relevan untuk hak akses, penggunaan atau pendudukan tanah itu,

atas terma-terma dalam lesen yang dikeluarkan di bawah seksyen 10 atau perjanjian penswastaaan di antara Kerajaan Negeri dengan Pemegang Lesen di bawah seksyen 5.”

6. Enakmen itu adalah dipinda dengan memasukkan selepas seksyen 20 seksyen yang berikut: Seksyen baru 20A.

“Tugas untuk menyiasat sebelum pengorekan. 20A. Mana-mana orang yang mengorek, menggerak, menggali, menggred, mengeluarkan atau memecahkan mana-mana tanah dengan apa-apa peralatan mekanikal atau bahan letupan atau membenarkan pekerja atau agennya melakukan tanpa terlebih dahulu menentukan lokasi mana-mana kabel utama atau paip yang dimiliki oleh atau di bawah pengurusan atau pengawalan Pemegang Lesen yang boleh memberi gangguan adalah menjadi suatu kesalahan dan apabila disabitkan, boleh dikenakan denda tidak melebihi lima puluh ribu ringgit atau dipenjarakan untuk tempoh tidak melebihi dua tahun atau kedua-duanya dan bagi kes kesalahan berterusan, boleh didenda tidak melebihi satu ribu ringgit untuk setiap hari kesalahan itu berterusan.”

7. Enakmen itu adalah dipinda dengan memotong Bahagian V.

8. Enakmen itu adalah dipinda dengan memasukkan selepas seksyen 37 seksyen yang berikut: Seksyen baru 37A.

“Penalti bayaran lewat. 37A. Pemegang Lesen boleh, dengan kelulusan Kerajaan Negeri, menetapkan penalti atau caj bayaran lewat untuk dibayar oleh pengguna kepada Pemegang Lesen dan penalti atau caj bayaran lewat tersebut, jika tidak dibayar, merupakan hutang yang patut dibayar kepada Pemegang Lesen dan boleh diambil semula olehnya di bawah Enakmen ini.”

Pindaan  
seksyen 38.

9. Seksyen 38 Enakmen itu adalah dipinda dengan memasukkan selepas perenggan (1)(d) perenggan yang berikut:

~~“(da) pada bila-bila masa menghalang atau menggalang mana-mana pekerja, agen atau kontraktor Pemegang Lesen di dalam perjalanan dan pelaksanaan tugas-tugas atau apa-apa yang mana mereka telah diberikuasa, dibenarkan atau dikehendaki melakukan di bawah Enakmen ini atau mana-mana peraturan yang dibuat di bawahnya;”~~

Seksyen 38A  
baru.

10. Enakmen itu adalah dipinda dengan memasukkan selepas seksyen 38 seksyen yang berikut:

“Kesalahan-kesalahan oleh agen dan pengkhidmat.  
38A. Apabila suatu kesalahan di bawah seksyen 38 telah dilakukan oleh mana-mana orang yang bertindak sebagai agen atau pekerja orang lain atau yang selainnya tertakluk kepada kawal selia atau arahan-arahan dari orang lain itu bagi tujuan apa-apa pekerjaan di mana dalam perjalanan pekerjaan tersebut kesalahan itu dilakukan, orang yang lain itu hendaklah, tanpa prejudis kepada liabiliti orang yang pertama disebutkan, adalah bertanggungjawab di bawah subseksyen itu dalam keadaan dan takat yang sama seolah-olah ia telah melakukannya sendiri kesalahan itu melainkan ia dapat membuktikan sehingga memuaskan hati Mahkamah bahawa kesalahan itu telah dilakukan tanpa kerelaannya atau kerjasamanya atau bahawa ia tidak disumbangkan oleh apa-apa kecuaiannya di pihaknya.”

Pindaan  
seksyen 43.

11. Seksyen 43 Enakmen itu adalah dipinda—

(a) dengan menomborkan semula peruntukan yang sedia ada seksyen itu sebagai subseksyen (1); dan

(b) dengan memasukkan selepas subseksyen (1) subseksyen yang berikut:

“ (2) Apabila mana-mana orang didakwa atas suatu kesalahan di bawah subseksyen (1)

- (a) dalam pemilikannya apa-apa alat untuk mengubah indeks mana-mana meter atau untuk menghalang mana-mana meter dari mendaftar sewajarnya kuantiti air yang dibekalkan oleh Pemegang Lesen;
- (b) kewujudan apa-apa kerosakan untuk mengubah atau menukar kepada komposisi kimia apa-apa cat atau campuran kimia yang dipakai oleh Pemegang Lesen terhadap mana-mana skru atau komponen lain atau mekanisma mana-mana meter; atau
- (c) kewujudan apa-apa kerosakan kepada pengedap yang dipasangkan kepada penutup luar mana-mana meter untuk memastikan yang penutup itu tidak dialih, dibuka, ditanggal, atau diganggu;

apabila meter itu berada di dalam jagaan atau kawalan orang itu, hendaklah menjadi keterangan prima facie bahawa orang itu telah mengubah atau mengganggu meter itu.”

12. Enakmen ibu adalah dipinda dengan memotong seksyen-seksyen 52 dan 53.

Pemotongan  
seksyen 52  
dan 53.

13. Seksyen 62 Enakmen ibu adalah dipinda—

Pindaan  
seksyen 62.

(a) dengan memasukkan selepas subseksyen (1) subseksyen yang berikut:

“(1A) Tertakluk kepada peruntukan-peruntukan Kanun Acara Jenayah, Pengarah atau

mana-mana pegawai perkhidmatan bekalan air yang diberikuasa boleh hadir di mahkamah dan mengendalikan suatu pendakwaan untuk apa-apa kesalahan di bawah Enakmen ini atau mana-mana peraturan yang telah dibuat di bawahnya; dan

(b) dalam subseksyen (2), dengan memasukkan selepas perkataan "pegawai yang diberikuasa" perkataan-perkataan "pegawai perkhidmatan bekalan air."

Pindaan  
seksyen 66.

14. Enakmen ibu adalah dipinda dengan memasukkan selepas seksyen 66 seksyen yang berikut:

"Pegawai perkhidmatan bekalan air dianggap sebagai pengkhidmat awam. 66A. (1) Seseorang pegawai perkhidmatan bekalan air hendaklah dianggap sebagai pengkhidmat awam dalam erti Kanun Keseksaan.

(2) Dalam seksyen 161 Kanun Keseksaan perkataan "Kerajaan" hendaklah bagi tujuan Enakmen ini dianggap termasuk seseorang yang dilesenkan di bawah Enakmen ini."

Diluluskan pada 9hb April 1999.

[P.U. Sel. Am 0167/L; DUN. Sel. 30287/1 Jld. II]

ASMAWAR BIN SAMAT  
*Setiausaha,*  
*Dewan Undangan Negeri,*  
*Selangor*